



Kamis, 07 September 2023

Ogen : 1 Timotius 4:13



Makeken waktu guna ngoge



Lit survei si ibahan Organization for Economic Cooperation and Development (OECD) i bas 2019 si lepas nandangi 70 negara maka Indonesia lit i bas peringkat 62 erkiteken malas ngoge maka penguasaan nandangi sada bidang tertentu pe rendah ras tingkat literasi masyarakat keseluruhan pe rendah. Rasio bacaan arah total jumlah penduduk Indonesia eme 0,09. Ertina, sada buku terjeng ioge 90 kalak teptep tahhunna. Indonesia gundari i bas posisi terendah i bas ngoge. Aturna, standar internasional e me 3 buku baru guna teptep jelma per tahunna. (sumber:perpustakaan.kemendagri.go.id)

Penelitian arah UNESCO pe seh ku bas kesimpulan si seri. Minat baca kalak Indonesia terjeng 0,0001 persen. Ertina terjeng sada kalak ngenca si nggit ngoge arah 1000 kalak si lit. E maka la heran industri buku Indonesia ngenanami krisis janah kualitas manusia Indonesia pe secara keseluruhan rendah. Engkai maka bage? lit telu penyebabna. Si pemena lenga berkembang budaya menulis ras membaca i Indonesia. Kita geluh i bas budaya lisan i ja pemeteh ras kepentaren ipeseh arah perjumpaan langsung. Si peduaken, kegagalan pemerintah guna meningkatkan minat baca. La lit program si jelas. Si petelukan, bangsanta langa meteh alu payo kai gunana ngoge.

I bas bahanta sendah, Paulus ngajuk Timotius gelah makeken waktu ntaah paksa si lit guna ngoge Pustaka Si Badia. Sabap i bas Pustaka lit kepentaren, pemeteh, ajaren geluh i bas kebujuren rikut ras singena ate Dibata dengen Pustaka e jadi sumber utama i bas ngajari kalak kerna si ngena ate Dibata.

E maka mari si bahan waktunta guna ngoge Pustaka. Lit piga-piga manfaat kerna ngoge e me: ngoge erbansa kita sehat, ngurangi stress, sumber pemeteh, perbendaharaan katanta pe tambah, meningkatkan daya ingat, reh pentarna kita i bas menganalisa masalah ras meningkatkan konsentrasita.